

金石萃編

拓

唐駝署





金石年編

卷之五

略徵晉昌令不□□□□平陽侯于孫家焉祖遠雄武多大
隱先生積德未享是用有後公□□□氣降虛明之
神清暢條理夷雅閑秀詞學優深操行無玷□□□
不徇速達年卅鄉貢進士對策上第其年解褐榮澤主
簿□□師尉明堂尉關鄉令秩滿受 詔關內覆

囚旋臻右臺□□侍御史轉庫部吏部二員外郎丁內
艱哀毀過禮服闋除禮部□功二郎中遷給事中中書
舍人策勛上柱國除大理少卿出為□州刺史復大理
少卿遷工部侍郎又出為兗州都督入拜衛尉少卿復
工部侍郎又出為蒲州刺史入拜太子右庶子遷太子
賓客累加封嶽陽縣開國伯食邑五百戶凡所歷官咸
著成績皆任官以祐物不激譽而干進休名自著僉舉
允諧喪仲弟哀感成疾以開元十三季九月廿五日薨
于東都審教里第春秋七十八粵以開元十四年歲次
景寅十一月乙亥朔十六日庚寅葬于偃師縣龍池鄉
之北原附 先塋禮也惟公宅乎中庸樂在名教體
忘悔吝德全終始者朝廷壹人而已又嘗著中道通教
二論註周易撰三傳通誌廿卷集內經藥類四卷合新
舊本草十卷並行於代噫可謂立德立言歿而不朽者

矣嗣子長安縣尉少儀等孝思純至永懷揚□乃刊石
勒銘以誌幽宅其辭曰

盛惠之後兮寔生哲人文義博暢兮志業清純字政光
國兮懋寵榮親立言不朽兮全道歸真

碑缺一角故撰書人不可考云公諱憲字令將平陽
臨汝人又云洎七葉有漢大將軍棘蒲侯武者按漢

書文帝紀云三年以棘蒲侯柴武為大將軍臣瓚曰
漢帝年紀為陳武此云柴武為有二姓功臣表作陳

武然則憲姓陳又云葬于偃師縣龍池鄉之北原附
先塋今鄉名既失墓亦不載于方志又云又嘗著中

道通教二論註周易撰三傳通誌廿卷集內經藥類
四卷合新舊本草十卷並行於代唐志既皆未著錄

而大觀本草稱引最博亦無藥類書之難成而易失
如此 中州金石記

思恒律師墓誌
右高廣俱三尺五分二十八行行二十八字正書
蓋題大唐故大德思恒律師墓誌文十二字篆書

唐大薦福寺故大德思恒律師誌文 并序
鄂縣尉常□□□文

道不虛行必將有授受聖教者非律師而誰律師諱思
恒俗姓顧氏吳郡人也曾祖明周在監門大將軍祖元

隨門下上儀同三司蔣燕郡開國公使持節洪州諸軍
事行洪州刺史父藝

皇上恒州錄事參軍並東

南之美江海之靈係丞相之端嚴散騎之仁厚以積善
之慶是用誕我律師焉律師稟正真之氣含太和之粹
生而有志出乎其類越在幼冲性與道合見戲則聚沙
爲塔冥感而然指誓心乃受業於持廿法師咸亨中

勅召大德入太原寺而持廿與薄塵法師皆預焉律師
深爲塵公所重每歎曰典聖教者其在茲乎遂承

制而度年廿而登具戒經八夏卽預臨壇纂修素律

師新疏誦八十餘遍弟子五千餘人以爲一切諸經所
以通覺路也如來金口之言靡不該涉菩薩寶坊之論
皆研研精天下靈境所以示聖跡也乃陟方山五臺間
空聲異氣幽巖巖勝寺無不經行感而遂通所以昭靈應
也嘗致舍利七粒後自增多移在新餅潛歸舊所有爲
之福所以濟群品也造菩提像一鋪施者不能愛其寶

建塗山寺一所仁者於是子而來洗僧乞食以生爲限
寫經設齋惟財所攝忘形杜口所以歸定門也誦秀禪
師受微妙理一悟真諦果符宿心窈爾無生而法身常
在湛然不動而至化滂流於是能事畢矣福德具矣以
覓身爲過去則棄愛易明以遺形爲息言則證理斯切

乃脫落人廿示歸其真開元十四年十一月廿六日終
於京大薦福寺年七十有六初

和帝代召入內

道場命爲菩薩戒師充十大德統知天下佛法僧事圖
像於林光殿

御製畫讚云律師固聲

恩命屢請歸閑歲餘方見許焉其靜退皆此類也屬續
之夜靈香滿室空樂臨門愍然而逝若有迎者蓋應什
斯來自天宮而薨降終事則往非人案之可留弟子智
舟等彼岸仍過津梁中奪心獲未去龍爲先歸禪座何
依但追墳塔法侶悲送且傾都鄙其年十二月十五日
葬神禾原塗山寺東各領託臘曰思陳盛美法教常轉
自等於圓珠雕斲斯文有慙於方石銘曰
聖立萬法法無二門以身觀化從流討源有爲捨機無
生乏後律師盡妙像教斯存我有至靜永月息言示以
形逝留乎道尊有緣有福求我祇園

按碑敘思恒俗姓顧氏吳郡人其曾祖明祖元父
藝仕于周隋唐代史皆無傳其云祖元蔣燕郡開
國公遍檢諸地理書從無蔣燕郡名蔣字見集韻
但云艸名而已其燕字之見于地名者惟兗州魯
郡有萊蕪縣亦非郡名此碑之所未詳也大薦福
寺在長安開化坊南自神龍以後翻譯佛經並于

此寺思恒終于寺中殆在寺有講明律疏之功也
文又云初和帝代召入內道場命為菩薩戒師充
十大德統知天下佛法僧事圖像林光殿唐之西
內但有佛光寺在甘露殿之左不云有林光殿知
天下佛法僧事者僧職也此職亦不見於諸書律
寺設戒三壇菩薩戒在三壇之內有律師十人證
明之十大德或即證明十師思恒殆嘗充菩薩戒
律師也又裴淮撰少林寺碑云景龍中勅中岳少
林寺置大德十人則十大德亦各寺之僧職也和
帝即中宗諡太和大聖大昭孝皇帝下卷法澄塔
銘云中宗和帝可證也葬神禾原塗山寺東神禾
原在長安城南子午谷陝西通志但有香積寺在
原上不云有塗山寺蓋荒原廢刹為志乘之所漏
略者多矣碑書世字皆闕筆作廿用字闕筆作用

端州石室記

摩崖高四尺四寸五分廣三尺二十十八
行行二十三字正書在肇慶府七星巖

日者託宿秘篆寄傲神府撰奇討異注靈通感冥才海
口遐瞩坤極敞金闕疏玉堂河漢未際其源今昔口聆
其語口口寃此山郭不在江墳薄人豪騰物外妙有特
起靈表旁問綺田砥平錦嶂聳立壑允洞穴延袤中堂

感怪形以萬口口勢以千變伏席奔象浮梁抗柱激
濤海而洪波沸口口口而羣峯嵒峨飛動逼人屹聳
驚視密微微而三分地道風蕭蕭而一變天時寶乳練
於玉顏石林列於仙座隔口塵境口集福庭奔子寮子
恍子惚子使營魄九昇響絃雙口體若口羽翼志若摩
雲天秦漢之間莫知代祀義皇之上口謂口口當是時
也慕名者執雌而退徇物者守心而安求道者口口而
凝懷書者口口而默有若郭伯早公守恭廣孝聞口口
口觀國政門口口口不容於口義心厚行遊者每口
口口能吏脩其口口其業流兀歸止介特又安於
是命友口口琴酌一歌一口以遨以遊莫不解榻於斯
張樂於斯口口龍遺土駟馬口口避暑屋室締賞林
樾擊石如口酌泉如口固亦轉丹竈撥紫芝迹叅慕之
遠心惟習隱之幽致者也

開元十五年正月廿五日李邕記

右端州石室記唐李邕撰不著書人名氏考其筆蹟
似張庭珪書疑庭珪所書也

集古錄

唐李邕端州石室記在今肇慶府城北數里七星巖

巖稱斗
光洞

洞門外礧石壁而為之開元十五年正月十
五日也後又有宋乾道己丑秋九月等字歐陽公嘗

定以爲張庭珪書然攷廷珪孔林隸碑字頗不類蓋此刻遇夏潦一至輒爲所滄浸磨盪且或經宋時重刻當已失真矣

葉盛萊竹堂稿

肇慶府北七星巖古名定山亦曰崧臺有洞通明宛委記刻在洞門石壁不類北海書集古錄疑爲張庭珪書庭珪長於八分凡邕文而庭珪書之者皆八分此則正書恐未然也記中云有若邦伯旱公開元時有畢刺史者爲朱璟所稱旱當作畢是摹刻之誤

文字記

李北海端州石室記正書字逕寸許在大巖洞口凡三百八十字可辨者三百四十八字後刻云朱乾道己丑秋九月乙丑陶定觀巖口又有北海書景福二大字字長寬各四尺有奇畫痕已淺今拓工以硃傳之方板盡失神氣粵人多取其福字張於屏障者而莫知其爲北海書也

粵東金石略

按文爲開元十五年李邕撰唐書邕傳邕由括州司馬起爲陳州刺史帝封太山還邕見帝汴州詔獻詞賦帝悅邕素輕張說與相惡會仇人告邕賊貨疑當作貨枉法下獄當死許昌男子孔璋上書得減死貶遵化尉地理志遵化縣屬嶺南道欽州寧越

郡元宗封太山在開元十三年十一月其時張說正爲右相邕之下獄及貶遵化當在十四年四月以前至四月則說已罷相矣此記作於十五年是貶遵化時所作也端州與欽州同屬嶺南此碑無書人姓名集古錄疑爲張廷珪書不獨廷珪長八分此是正書爲不合卽以情事而論廷珪由御史出爲沔州刺史從蘇宋魏三州入爲太子詹事致仕歷官多在北方去嶺南有數千里之遠似不至以石室短記往返遠求則益知非廷珪書矣文云有若邦伯旱公守恭記蓋爲邦伯而作下文缺泐不能見其事蹟爲可惜也

雲居寺石浮圖銘

石高三尺七寸五分廣二尺十二行行二十六字正書在易州

大唐雲居寺石浮圖銘

并敘

太原王大悅撰

敘曰法所務善示儀生念物莫堅石留形則多伊董卬之增砂彼豐家之巖寶不孟不季非泰非約建茲浮圖亏此門右者鄭氏字元泰今范陽人也崇中宜利用廣蓋所以兼仰正法惠浹多生俾藏奧嘉不潰惟水迺竭產充賈罄工制奇璞散良効形都信美素與鮮色皓瑱

級之峨峨黃金明輝爛寶曆之擢擢東旭銜珠而更淨
南風動鈴而不喧神儀讓門而雄雄威如聖象端室以
稊稊響若庶幾乎 上帝萬壽先人百福夫蠶之類凡
生之傳莫不覃茲利有如是木皆燼滅土亦塵散惟石
之永瞻其有恒暨法之堅念茲無替銘曰

高塔峨峨示延遐曠多生壤壤動善群觸一茲設茲利
無疑無疆其福豐衍其資廣長二彼石惟堅我性亦芝
永永不滅視以知正其三

開元十五年歲次單闕仲春八日建

道安禪師碑銘

碑已殘缺廣四尺七寸二十八行字數無考行書額
題唐嵩山故道安禪師碑九字篆書今在嵩山會善
寺

上開□□□□□□□□□□□□□□□□

禪師乎

禪師法諱道安俗姓李□缺□□□□□□皮艱難行洞

精苦越生于開皇洎夫大業^缺□戰在野□人□願□

家而塵垢惟深不霍珠曜冰霜惟慘不奪松貞

缺□□揚□以曳□□池冽淨以通原是日 大

師靈忍傳禪要於斯下□^缺密□□□□□□□片言

洞□□念□則□□□□法身圓月湛於清空□□^缺

達摩□□□□□戊海摠君□以□身一香普聞千

光分照□□而□□□^缺大師大師□□日子常有類
當令一切俱如妙門□所安樂□□多矣□□□^缺

□□□□□□^缺禪師順退避位□美於玉泉□□

□通也從此就□□^缺□□□□□而遊不樂□求竟

居嵩山會善寺焉夫日登渾天苦遙夜者□□^缺誓

塗我□拂衣而起却遊以辟盜指於荊州玉泉已而返

覆年序矣□□□^缺客□耶則無務薄言神梵儀耶

則無聞往教 若后躬親禪窟容 ^缺□□年

□道妙動於時能仁感於俗安至如是乎遂不得已而

心副於世 ^缺以□□遣義維□悟之者意豁而無

住昧之者思絕而失常□詬□揚而□□^缺入得之同

體日月融朗得以同暉始自山門徧于天下□烏感部

樂者羨克□^缺禪師有之惟景龍二年二月三日

中夜 禪師忽而合門弟子等□^缺□□□山無

□無□深以林□因之野火□焚而滅惟吾之初□也

□□化□^缺□日書馳□□□□□相淪至八日遂□

戶去人□脇□□而□詢諸耆宿□^缺聖□□其

歲□故莫得實其□□也嗚呼是生如電隨風□□□

風□□^缺不能盡造希聲者不能畢聞門人之間故有

百身請代□血□□而不得者□^缺□□□□朝可其

儋字藏諸廣平人高尙不仕呂惣云儋書如暮春花

爲慧可三祖爲僧燦四祖爲道信五祖爲宏忍六

祖為慧能以紫金鉢相傳是為一花五葉宏忍得衣鉢于道信非受法于達摩宏忍心印傳于慧能其自神秀以下及旁出法嗣俱無道安之名金石錄補豈別有所據耶道安為東林慧遠之師遠公建東林在晉太元十一年詳見下卷東林寺碑此碑建於開元十五年而碑云道安俗姓李生于開皇洎夫大業又云景龍二年二月三日中夜合門又云弟子慧遠口襲明承口演末裕云云並非追敘緣起之語又不似別一道安疑不能明也

少林寺碑

碑高八尺七寸廣五尺三寸三十九行行六十餘字不等正書在登封少林寺鐘樓下

皇唐嵩岳少林寺口

銀青光祿大夫守吏部尚書上柱國正平縣開國子

裴灌文并書

原夫星垂梵界 聖緣開萬化之先日照王宮神跡蘊

三靈之始包至虛以見世象教久傳於曠劫籠羣有以示凡法身初應於中古見神通之力廣拔苦因開智惠之門深明樂界鶴林變色觀其戀慕之心鴈塔開扉通其瞻仰之路少林寺者後魏孝文之所立也東京近甸大室西偏正氣居六合之中清都控九州之會緱山北

時亘宛洛之天門頽水南流連荆河之雲澤信帝畿之靈境陽城之福地沙門跋陁者天竺人也空心元粹惠性淹遠傳不二法門有甚深道業緬自西域來遊國都孝文風黃屋之尊申緇林之敬太和中詔有司於此寺處之淨供法衣取給公府法師遁於寺西臺造舍利塔塔後造翻經堂香水成塗金繩為約苦心精力俾夜作書多寶全身之地不日就功如來金口之說連雲可庇西緣長澗夾松栢之蕭森北拒深崖覆筠篁之冥密烟花濃靄墮下天香泉鑲清音曉傳空樂跋陁息心茲地樂靜安居感而遂通境來斯證籍籍之際若有神人致石磬一長四尺規制自然聲律咸具得之河曲空聞漢使之談浮于泗濱徒入夏王之貢管絃風夜合清響於中天鍾梵霜晨諧妙因於上劫時有三藏法師勒邠讎譯經論遊集刹土稠禪師探求正法住持塔廟虬箭不居光塵易遠虹梁所指象設猶存周武帝建德中口元嵩之說斷釋老之教率土伽藍咸從廢毀明 皇帝繼明正位追崇景福大象中初復佛象及天尊象廼於兩京各立一寺因孝思所置以陟岵為名其洛中陟岵即此寺也隨高 祖受禪正朔既改徽號已殊唯此寺名特令仍舊開皇中有詔二教初興四方普洽山林學徒

歸依者衆其栢谷屯地一百頃宜賜少林寺大業之末
九服分崩羣盜攻剽無限眞俗此寺爲山賊所劫僧徒
拒之賊遂縱火焚塔院院中衆宇條烏同滅瞻言靈塔
歸然獨存天龍保持山祇福護神力所及昔未曾有寺
西北五十里有栢谷墅羣峯合沓深谷逶迤複磴綠雲
俯窺龍界高頂拂日傍臨鳥道居晉成塢在齊爲郡王
允僭號署曰轅州乘其地險以立峯戍擁兵洛邑將圖
梵宮 皇唐應五運之休期受千齡之景命掃長蛇吞
食之患拯生人塗炭之災 太宗文皇帝龍躍太原軍
次廣武大開幕府躬踐戎行僧志操惠場臺宗等審靈
瞻之所往辯謳歌之有屬率衆以拒僞師抗表以明大
順執充姪仁則以歸本朝 太宗嘉其義烈頻降璽書
宣慰既奉優教兼承寵錫賜地卅頃水碾一具卽栢谷
莊是也迨海寓旣平憲章云始僞主寺觀盡令廢除僧
善護洞曉二門遠該三行誦 闕進表特蒙量立武德
中寺有白雀見貞觀中明禪師造重塔之辰白雀復瑞
璿圖肇啓初欲呈祥寶殿纔興遽聞相賀 高宗
天皇大帝光緒鴻業欽明至理嘗因豫遊每延聖敬咸
享中 乘輿戾止 御飛白書題金字波若碑留瞻象
及施物永淳中 御札又飛白書一飛字題寺野雲閣

願鶴電搏遊龍神草競秀於樹塗雲泉迴飛於鋪石路
菴增耀若綴春葩金疊分輝似懸秋露 天皇升遐
則天大聖皇后爲 先聖造功德垂拱中有冬竹抽笋
塔院後復有藤生證聖中中使送錢於藤生處終理階
陛寺上方普光堂功德隨日終造自尔飛鳥莫敢翔集
此寺跋陀疏量業造神微 皇家尊崇事光幽秘环荷
荐臻於動植靈應承發於庭除 累聖屬心每頒渥澤
王言宸翰旣疊映於雞峯寶像珠幡亦交馳於龍壑
皇上睿圖廣運神用多能藉明臺之化清繹天池之墨
妙以此寺有先聖締構之跡御書碑額七字十一年冬
爰降 恩旨付一行師賜少林寺勸梵天宮殿懸日
月之光華佛地園林動煙雲之氣色漢元魏武徒銜奇
於篆素鍾繇蔡邕雍虛致美於細簡日者 明勅令天下
寺觀田莊一切括責 皇上以此寺地及碾先聖光錫
多歷年所襟帶名山延袤靈跡羣仙是宅邁羅閱之金
峯上德居之掩育王 之石室特還寺衆不入官收曾是
國土崇絕天人歸仰固以名冠諸境禮殊恒剎矣高僧
跋陀明三藏心禪諸門弟子惠光道房稠禪師等精勤
梵行克傳勝業惠光弟子僧達曇隱法上法師等十大
德亦彌十英復有達摩禪師深入惠門津梁是寄弟子

惠可禪師等元悟法寶嘗託茲山周大象中寺初復選
沙門中德業灼然者置菩薩僧一百廿人惠遠法師洪
遵律師卽其數也 皇唐貞觀之後有明遵慈雲元素
智勤律師虛求一義洞真諦之源復有大師諱法如爲
定門之首傳燈妙理弟子惠超妙思奇拔遠契元蹤文
翰煥然宗塗易曉景龍中 勅中岳少林寺量德十
八數內有闕寺中抽補人不外假座無虛授澄什聯華
林遠接武星霜殆周於二紀蘭菊每芳於十步上座寺
主都維那等牢籠法藏遊息禪林德鑒神珠戒成甘露
海內靈岳莫如嵩山山中道口茲爲勝殿二室迴合八
谷潺湲地通貝花門連石柱妙樓香閣俯映高林金剎
寶鈴上搖清漢法界之幽贊如彼 皇家之福應如此
天長地久不傳叨利之官却盡塵微孰記鐵圍之會精
求貞石博訪良工將因墨客之詞或頌金仙之德事宣
丁義遠喻真空其詞曰

恒沙國土微塵品類妄見飛奔正心蘊櫃昏途莫曉淨
根將摩挲於蓋纏若要夢寐承哉大聖降跡閭浮潛迴
寶軸廣運慈舟實無滅度示有降柔紺宮西闢白馬東
流迷因惕生悟爲信起玉剎斯逮寶山載峙花臺竹林
清泉妙水靜唯真相湛然攸止巖巖高嶺河洛巨鎮下

屬九溪上千千仞天磴重阻仙都清峻式創招提是寶
誘進婉彼上德載誕耆闍傳業西土演教中華孝文申
敬思錫仍加經營宴室迴出雲霞中岳北趾嵩高西麓
斜界玉池洞開栢谷紆餘崗澗連延水木鬱起旃檀云
誰卜築吾師苦行清修道場廟精像宇專力經堂金界
繩直樹塗水香散花有地栖禪得方解空應真默識開
土乘盃遊集振錫冥止繹譯幽偈偕談揮妙理仙磬感靈
神雀降祉運交土木代歷周隨劫火通起魔風竟吹法
身威翳淨國同塹或聞興復詎振崩離神堯應期撥亂
反正皇矣覺力大宏福慶式遏醜徒聿快典 聖累降
恩百兼敷錫命 高宗時豫先后卜征亟廻雕輦屢倚
虹旌巖題玉札地振金聲珎符存至在物斯呈 我皇
龍興有典咸秩懿茲上界式諸神筆雲搖天圍鸞迴少
室草垂仙露林昇佛日護持八正每候能仁跋陁降德
稠公有隣厥後眞侶更傳了因辯才高行無替清塵倬
焉梵衆代有明哲今我諸公蘊彼禪悅芳越蘅杜淨踰
冰雪遠締津梁無非苦節頡上靈岳山間寶殿秀出梵
天孤標神縣芥城可竭菜田有變貞石永刊靈花常遍

開元十六年七月十五日建

裴懿公淮書少林寺碑開元十六年建久在嵩山而

金石錄不載何也裴少時負文筆號霹靂手而雅不以八法名此碑薛至沓拖不可讀而書頗秀勁多媚態得非時代爲之耶傳不載階封此書銀青光祿大

夫正平縣子亦可補傳之闕

金州山人稿

右唐嵩岳少林寺碑守吏部尚書裴灌撰并正書少林寺在河南登封縣少室山麓去嵩岳二十里嵩岳一稱太室故有少室而此寺曰嵩岳者統于尊也子正德癸酉嘗遊嵩岳少室留宿寺中見殿後有立雪堂拓傳昔達磨之徒惠可欲嗣其法雪深至腰不去此卽其處寺右上山三里有達磨洞洞有石達磨面之九年形宛然石上其事甚異達磨爲釋氏西來初祖可稱二祖碑雖及其人而二事皆不之載寺復有太宗與僧教書石刻蓋太宗爲秦王時寺之僧禽王世充以獻故太宗賜書褒美而碑云僧執世充姪仁則以歸與教書不同予故書之以見古人之文無不缺誤如此然非予之親歷則亦莫能知也

金鑑琳瑯

此時而此碑以梵力獨存乃其間王宮夏王王言育王等字亦從而鐫去矣完顏之不通文義而肆爲無道可勝歎哉唐碑遇帝號必空三字此碑所紀宇文周事有明皇帝皇上空三字有隋高祖祖上空三字而前有周武帝却不空蓋繼流不通古今者之所爲也

金石文字記

少林寺碑裴灌撰並書王元美謂懿公少負文筆號霹靂手此灌父災之事災之爲同州司戶參軍甚少不主曹務刺史李崇義內輕之積案數百讓使趣斷災之命吏連紙進筆爲省決一日都盡與奪當理詞筆勁妙崇義驚曰子何自晦成吾過耶由是名動一州號霹靂手子灌仕至吏部尚書曾諫止造玉真金仙觀當時稱長于敷陳碑復繁蕪書頗得褚河南之勁俊而無宵映春林之致

金石史

裴灌新舊史皆立傳其封正平縣子則史所失載也或謂子男五等封爵之細於史傳可不書然嘗攷之唐史如魏徵嘗封鉅鹿縣男杜如梅封建平縣男孔穎達封曲阜縣男又進爵爲子歐陽詢封渤海縣男歐陽通封渤海縣子韋虛心封南皮縣子吳兢封長垣縣男柳沖封河東縣男俱載於本傳未嘗從略則

此之不書者難免疎漏之譏矣

晉研堂金石文跋尾

金石萃編卷七十八

賜進士出身 誥授光祿大夫刑部右侍郎加七級王昶誤

唐三十八

興聖寺尼法澄塔銘

碑高三尺七寸廣二尺九寸二十五行行三十二字正書在西安府咸寧縣城外馬頭空

大唐故興聖寺主尼法澄塔銘 并序

宗正卿上柱國嗣彭王志陳撰并書

法師諱法澄字无所得俗姓孫氏樂安人也吳帝權之後祖榮涪州刺史父同同州馮翊縣令法師第二女降精粹之氣含宏量之誠大惠宿持靈心早啓鑒浮生不住知常樂可依託事蔣王求爲離俗遂於上元二年出家威儀或行覺觀禪思跡履眞如空用恒捨遂持瓶鉢一十八事頭陀山林有豹隨行逢神擁護於至相寺康藏師處聽法探微洞悟同彼善才調伏堅持寧殊海意康藏師每指法師謂師徒曰住持佛法者卽此師也如意之歲注刑肆逞誣及法師將狀汝南謀其義舉墜入官掖故法師於是大開聖教宣揚正法歸投者如羽翮起林藪若鱗介赴江海昔菩薩化爲女身於王後宮說法今古雖殊利人一也 中宗和帝知名放出中使供承朝夕不絕景龍二年大德三藏等奏請法師爲

紹唐寺主

初依所請

今上在春宮幸興

聖寺施錢一千貫充脩理寺以法師德望崇高

初補爲興聖寺主法師脩絹畢功不逾旬月又於寺內畫花嚴海藏變造八角浮圖馬頭空起舍利塔皆法師指受規摸及造自餘功德不可稱數融心濟物遍法界以馳神廣運眞功滿虛空而遇化不能祖理事塗請解寺主遂抄花嚴疏義三卷及翻盂蘭盆經溫室經等專精博思日起異聞度猷不生誦經行道視同居士風疾現身乃卧經二旬飲食絕口起謂弟子曰我欲捨壽不知死亦大難爲當回緣未盡後月餘儼然坐繩床七日不動唯聞齋時鍾聲卽喫水忽謂弟子曰快我卧我不能坐死卧訖遷神春秋九十開元十七年十一月三日也以其月廿三日安神於龍首山馬頭空塔所門人師徒弟子等未登證果豈知鶴林非永滅之場鸞嶺是安禪之所歸慕之情有如雙樹法師仁孝幼懷容儀美麗講經論義應對如流王公等所施悉爲功德弟子嗣彭王女尼弥多羅等恐人事隨化陵谷遷移紀德雙功乃爲不朽銘曰

易高惟一道尊自然大法雄振豈曰同年優陬花色曇弥善賢錯落倫次師在其間濟彼愛河拯斯苦海導引

羣類將離纏蓋不虛不溢常住三昧是相無定隨現去來雙林言滅金棺復開有緣既盡歸向蓮臺衆生戀慕今古同哀

刻字朱曜光

右興唐寺王尼法澄塔銘嗣彭王志疎撰并書志疎嘗爲宗正卿唐書宗室世系所未載也志疎女彌多羅出家爲法澄弟子而法澄祖父亦皆列官子朝蓋唐時朱門世胄無不欽信佛法以帝女之貴且有出家學道者其它固難悉數矣文云如意之歲淫刑肆逞誣及法師將扶汝南謀其義舉坐入宮掖中宗和帝知名放出蓋武后時嘗沒爲宮婢者古人命字或取三字如張天錫字公純崔宏度字摩訶衍之類法澄字无所得亦三字也

潛研堂金石文獻尾

麓山寺碑

碑高一丈七寸八分廣五尺三寸八分二十八行行五十六字行書額題麓山寺碑四字篆書在長沙衡山縣嶺麓書院

夫天之道也東仁而首西義而成故清泰所居指於成事者已地之德也川浮而動岳鎮而安故著閭口口取於安定者已茲寺大拓厥旨元同是以迴向度門墮于郭右仰止淨域列乎巖巔寶堂爰業於太虛道樹森梢

於曾渚無風而林壑肅穆不口而相事澄明化城未眞梵天猶俗名稱殆絕地位嘗高者不其盛歟麓山寺者晉太始四年之所立也有若法崇禪師者振錫江左除結口口與炎漢太宗長沙清廟棟宇接近雲霧聯冥赤豹文狸女蘿薛帶山祇見於法眼實后依於佛光至請舊居特爲新寺禪師洎翌日宏聚謀分衆表之明詔行矣水泉有制丘墟盡平太康二載有若法導禪師莫知何許人也默受智印深入證源不壞外緣而見心本無作眞性而注福河大起前功重啓靈應神僧銀色化身丈餘指定全模標建方面法物增備擅供益崇廣以凌雲之臺疏以布金之地有若法慈禪師者江夏人也空慧雙銓寂用同戀慈目相視淨心相續綜覈萬法安住一歸注大道經究上乘理永託茲嶺克終厥生逮宋元徽中尚書令湘州刺史王公諱僧虔右軍之孫也信尚敬口作爲塔廟追存寶相加名寶山攸乎弓冶筆精陶甄意匠畱書藏石絨妙俟時候法字之傾伍期環價以興葺遠慮將久遺事未彰梁天監三年刺史夏侯公諱祥了義重元別構正殿紹泰二年刺史王公諱琳律師法賢或在家出家或聞見眼見建涅槃像開甘露門長沙內史蕭沆振起法鼓宏演梵言繼捷於景鍾納

貝葉於會闕陳司空吳明徹隨侍中鎮南晉安王樂陽
王並佛性森然國植秀者壯迴廊以雲構蔚愁居以天
覆開皇九年天台大禪師守護法口口清悲海巖幢標
聳智火融明襲如來堂坐法華定四行樂而不取三賢
登而更遷有若曇捷法師者伐林及樹染法與衣不墜
一滴之油有雷大根之雨掇管大將軍齊郡公權公諱
武福德莊嚴喜慧方便疏寫四部鎮重百城有若智謙
法師者願廣於天心細於氣誦習山頂創立花臺有若
摩訶衍禪師者五力圓常四無清淨以因因而入果果
以滅滅而會如如有若首楞法師者文史早通道釋後
得遠涉吳會幽尋天台法界圖口剡中真訣論於湘上
具究竟戒數解說筵一法開無量之門一音警無邊之
衆方等有以復悔雙林有以追遠並建場所耳爲住持
惟口口禪師者口其武憑其高超乎雲門絕彼塵網深
以爲性有習道有因止於心反於照習也者坐乎樹居
乎山因也者固習而無因則不住因而無習則不證是
口區和正覺阿若冥搜想息而精進甲堅受除而煩惱
散散百川到海同味於鹹千葉在蓮比色於淨起定不
離於平等發慧但及於慈悲故能問口順其觀者探其
道口牧伯萃止皇華游臻啓焚香之上緣託成佛之嘉

願上座惠口寺主惠賈都維那興哲等皆靜慮演成妙
輪轉次因差別而非法隨品類而得根去二見而入流
率一心而辦事成以形勝之會如彼脩行之迹如此而
豐碑未勒盛業不書安可默而已哉將何以發揮頌聲
披揚宿志者也司馬西河實公名彥澄碩德高闡紹賢
遠識器守岳厚掄揀冰清屬以師長閱口攝行隨手以
家而形於孝友以己而廣於詩書以重而雅俗自興以
明而至道丕若且猶歸心淨土膜拜佛乘推慙慢之外
幢與開示之眞語口謀羣吏乃命下寮顧蚊山之易疲
歎龍宮之難紀其詞曰

天地有象聖賢建極宴坐中巖成道西域後代襲武前
良作則安安樂是依舊是戈一想冥契三歸願塞其一
金方置廟衡蘆開場龍象擁錫人天護香鬼神賜
土靈化度堂重鎮牧伯上游侯王光昭法侶大啓禪房
其二幽口左豁崇山右峙瞰郭萬家帶江千里玉水布
飛石林雲起雷激庭際月窺窓裏花臺隨足天樂盈耳
其三人與地靈心將法滅既往在此比明齊哲佛日環
照牛車結轍連率順風駟驪欽烈訪道追勝形馳口絕
其四碑板莫建軌物未宏和合是請佐貳是膺政數大
郡信發廣乘願言有述以訪無能惟石可久與山不關